

# TRUPELA MANMERI TRUPELA STORI

## OL MERI FAMA BISNIS PROJEK BILONG PNG

### BUNGIM CAROL - HAUSLAIN TISA BILONG PLES EAST NEW BRITAIN, INSAIT LONG PAPUA NIUGINI

Carol em i kam long wapela liklik ples long East New Britain provins bilong Papua Niugini. Em i wapela fama long hauslain na tu wapela liklik bisnis meri, na ol lain i luksave long em olesem wapela gutpela Hauslain Tisa (ol i kolin long Village Community Educator (VCE) long Tok Inglis) insait long Meri Fama Bisnis Projek. Long hia, em i stori long wanem kain senis dispela projek i kamapim long em na insait long femili bilong em, na tu em i lukluk long dispela wokabaut bilong em, we em i statim olesem wapela meri i nogat kago na moni ikam inap nau we em i kamapim na lukautim 2pela liklik bisnis istap.

Zopela yia igo pinis, Carol i stat long kukim skon na donat na salim long sapotim femili bilong em. Em i lusim dispela wok na em traim long planim na salim orange na kapis. Bikos gaden bilong em i stap longwe long aus bilong em, Carol kirap stat gen long planim kawawar na capsicum, we i isi long karim igo ikam. Tasol dispela wok i bringim liklik moni ikam insait na Carol i hatwok yet long sapotim femili bilong em. Tasol bikpela laik bilong em i pas yet long kam aut long dispela banis bilong stap turangu, so em i statim wok bilong planim flawa long yia 2010. Em i wariliklik olesem em i wok long salim flawa taim olgeta arapela meri i wok long salim gaden kaikai tasol.

Nau, Carol i ronim 2pela liklik bisnis bilong em na em i amamas ong wanem samting em i kisim. 'Bipo, mi mekim kainkain samting tru long mekim/kisim moni. Tasol nau, mi planim flawa tasol na salim, lukautim pik nabaut na tu wokim kaikai taim ol lain i askim. Pastaim, mi no save karim moni long bilum bilong mi, tasol nau mi gat moni i stap long bilum bilong mi oltaim, na dispela i mekim mi fil orait.

Em i luksave tu long bikpela senis dispela VCE trening i kamapim long em yet na long laip bilong femili bilong em long sait bilong mekim moni, long sait bilong igo kam long gaden na pik dok, na tu long pasin bilong haitim moni. 'Trening i mekim na mipela igat gaden kaikai bilong salim istap klostu long haus bilong mipela. Nau mi iken was long ol gaden kaikai na flawa biong mi, na tu long ol pik na kakaruk. Mipela i save ting olesem mipela imas go longwe yet long painim moni tasol nau olgeta samting istap klostu tasol long haus-dua. Dispela trening i lainim mipela long haitim moni – na nau mipela i save hau long mekim'.



Continued next page  
Page 1 of 2

## OL MERI FAMA BISNIS PROJEK BILONG PNG

Carol i tok tu olsem dispela trening i lainim hauslain bilong mipela long ol liklik wei bilong lukautim kaikai na painim/winim moni long taim bilong bagarap, na tu helpim ol manmeri long plen long ol samting bilong bihaintaim. 'Pastaim mipela i save sot long moni na kaikai, tasol nau, wantaim dispela save bilong lukluk igo pas i helpim mipela long rausim na abrusim pasin bilong sot long ol samting ... pulumapim na lukautim wara insait long kontena i mekим bikpela senis insait long femili bilong mipela, gaden na pik-dok samting'.

Carol i tok moa olsem dispela projek i helpim femili long wok bung wantaim olsem komyuniti. Na long sait bilong Carol, man bilong em i stat long putim moni igo long bisnis we i wok long sapotim femili gen. 'Pastaim mi save belhat long man bilong mi, bilong wanem, em ino save bisi long helpim mi long ol gaden, tasol nau, em i save amamas long helpim wantaim ol projek wok bilong mi, na em kirap mekим gaden bilong em yet we em i sapotim femili wantaim, na ol pikinini i luksave long hau papa i helpim femili long dispela rot'.

*"Pastaim mipela i save sot long moni na kaikai, tasol nau, wantaim dispela save bilong lukluk igo pas i helpim mipela long rausim na abrusim pasin bilong sot long ol samting..."*

Carol em i wanpela hatwok meri, fama na bisnis meri tu. Em i save wanbe tru long wanem samting em i lainim long dispela projek na tu long laip bilong em yet. Wokabaut bilong em i olsem wanpela piksa long ol arapela lain. 'Mi save wok hat, na mi traim tu long tokim ol arapela mama long wok hat tu. Mi save olsem sapos mi kamap orait, ol bai bilip osem ol tu i ken wokim wankain na ol bai traim sampela samting. Carol bai i go het yet long dispela gutpela wok bilong em olsem wanpela Hauslain Tisa. Em i laik painim sans long serim wanem samting em lainim wantaim ol arapela tu, na em igat bel kirap na bel amamas long lainim ol yangpela pikinini meri long ol liklik bisnis bilong ol yet.'

*Carol em i wanpela bilong ol planti Hauslain Tisa (VCE) insait long PNG husait istap insait long dispela projek we ACIAR i givim moni na sapotim. Mipela i serim stori bilong em wantaim tok orait bilong em. Go long <http://pngwomen.estem-uc.edu.au/> long painim aut moa long dispela projek.*